



Seafóid:

“Gure historia oso arin pasatu da, eromena izan da”

Duela urtebete elkartzen hasi ziren Seafóid taldeko kideak, Johnny Kinnaird musikari irlandarra kontzertu batean ezagutu ostean. Hiru hilabete pasatu eta gero, maketa grabatu zuten eta dagoeneko eurek sortutako 16 abesti jotzen dituzte, guzti-guztiak Johnnyk idatzitakoak. Pop-rock fusioa jorratzen dute, eta ia 12 musika-instrumentu ezberdin jotzen dituzte euren kontzertuetan. Urriaren 16an London tabernan eskainiko dute saioa, 23.30ean, lehen kontzertua eman zuten leku berean.

e|karrizketa

- **Taldea berria izan arren, musikarekin kontaktua zenuten aurretik?**

(Seafóid) Bai, bost lagunek osatzen dugu Seafóid eta lau Flipin Folk taldetik gatoz. Flipin Folk desegin zen, bi kidek laga zutelako, eta kide berriak bilatzen hasi beharrean, beste talde bat eratzea pentsatu genuen. Estiloa aldatu genuen sasoi berri bati hasiera emateko, eta hobera egin dugula esango genuke, duda barik. Gure soinua fintzen ari gara oraindik ere, baina aurrera goaz, primeran!

- **Nola ezagutu zenuten Johnny?**

(S) Kontzertu batean elkar ezagutu genuen. Johnnyren taldeak eta Flipin Folkek leku berean jo behar genuen eta, berbetan hasi ginen.

- **Musikaria zen Johnny baita ere?**

(Johnny) Bai, Irlandako musika tradizionala jotzen zuen Laudioko talde batean nengoen, irlandarra bainaiz eta duela bi urte etorri nintzen Euskal Herrira. Taldeak ez zuen musika oso serio hartzen. Horregatik, Flipin Folkekoek eurekin jotzera gonbidatu nindutenean ez nuen zalantzarik izan.

- **Eta orain taldeko ezinbesteko zati bihurtu zara?**

(J.) Abesti originalak abestea gustatzen zitzaidala komentatu nien, nik neuk sortutakoak, eta gaur egun



jotzen dugun musika dena nik sortutakoa da. Lan handia egin dugu lehen urte honetan eta dagoeneko 16 abesti ditugu. Tartean Paulinok idatzitako bi abesti instrumental ere badaude.

- **Zeri buruz egiten dute berba abestiek?**

(J.) Bizitzari buruz. Bidaia, bizipenak, ametsak... nire bizipenak. Momentuz abestirik ezagunena 'Underground train' da, eta horrek Euskal Herrira etortzean sentitu nituen emozioei buruz hitz egiten du.

- **Talderen baten eragina duzue?**

(J.) Abesti guztiak dira ezberdinak musika asko daukadalako buruan, baina Pink Floyd, Led Zeppelin edota Pearl Jamek eragina dute

gure abestietan.

- **Ingelese abesten duzue?**

(J.) Bai, baina abestu aurretik abestiak zeri buruz hitz egiten duen azaltzen dut.

- **Nondik hartu duzue Seafóid izena?**

(J.) Gaélicotik dator, eroa esan nahi du. Gure historia ere oso eroa izan da, oso arin pasatu da dena.

- **Zeintzuk osatzen duzue taldea eta zer jotzen du bakoitzak?**

(S) Jorgek baxua jotzen du, Victorrek teklatura, Pauk akordeoia, mandolina eta bouzoukia, Iñakik Irlandako gaita, bateria eta flauta eta Johnnyn baxua, gitarra elektrikoa eta akustikoa. Taldea guztiz finkatzen denean, 12 musika-tresna ezberdin joko ditugu.

- **Kontzertu biziak egingo dituzue orduan?**

(S) Bai, hori da gure asmoa. Ohiko kontzertuetan 2 gitarra, baxua, bateria eta abeslaria dago, baina guk zerbait ezberdina egiten du-

gu. Kontzertuetan instrumentu bat hartu, beste bat laga... hori jendeari asko gustatzen zaio.

- **Nola definituko zenukete zuen musika?**

(J.) Pop-rock fusioa egiten dugula esan dezakegu. Abesti guztiek folk eta zelta oinarria edo ukituak dituzte eta horiek funk, jazz, pop eta rockarekin nahasten ditugu. Mandolinak eta akordeoia ukitu berezia ematen diete abestiei.

- **Aurretik elkar ezagutzeak lana erraztu dizue?**

(S) Bai, asko. Badakigu bakoitzak nola jotzen duen eta bakoitzaren akatsak zeintzuk diren.

- **Dagoeneko maketa duzue?**

(S) Bai, baina elkartu eta handik 2 edo 3 hilabetera grabatu genuen, taldeko baten etxean. Orain grabatuko bagenu, askoz hobea izango litzateke.

- **Askotik entseatzeko duzue?**

(S) Gure muga Johnny da,

“Abestiek bizitzari eta bizipen pertsonalei buruz hitz egiten dute”



Illepaindegia
Estetika

Tel: 943 03 17 56

Diputazio, 5 ERMUA

MENDIOLA

Restaurante - Jatetxea

Erdikokale, 19 48260 ERMUA
Telefonoa 943 17 22 43 (Bizkaia)

Bilbon bizi delako, baina as-
tean behin edo entseatzen
dugu. Gainontzekook ba-
tzuetan elkarrekin entsea-
tzen dugu gure kabuz.

- Non entseatzen duzue?

(S) Eibarko Legarreko lo-
kaletan. Egia esan nahiko
txikia da, beste bi taldere-
kin konpartitu behar dugula-
ko eta musika-instrumentu
pila ditugulako. Guk lokal
handia behar dugu!

**- Zenbat kontzertu egin
dituzue orain arte?**

(S) London tabernan jo ge-
nuen aurrenekoz, gero Ger-
nikan, Bilboko Aste Nagu-
sian, Trespadernen.., 7 gutxi
gora behera.

**- Eboluziorik sumatu
duzue?**

(S) Bai, argi eta garbi. Ger-
nikan jo genuenean esatera-
ko, lau abesti besterik ez ge-
nituen menperatzen. Azken
kontzertua, berriz, Bilboko
Cotton Club-ean izan zen eta
bete egin genuen. Gure soi-
nua izugarri hobetu da.

**- Eta nola lortzen da kon-
tzertuak lotzen joatea?**

(J.) Ni profesional moduan
jotzen egon naiz eta mundu
honetan mugitzen ohituta
nago. Ez da beldurrik izan
behar, leku guztietara joan
behar da, leku guztietan
muturra sartu.

- Aurrerantzean zein asmo

dituzue?

(S) Diskoa kaleratzea da
gure nahia, ahal dugunean.
Gainera Irlandatik kontzertu
bira bat egiteko asmoa dugu.
Ez dakigu datorren urtean po-
sible izango den, baina beste-
la hurrengoan egingo dugu,
seguru. Bilboko jaietan jo du-
gunez, han jende askok ikusi
gintuen eta datorren urtera-
ko Avilésen dagoen jaialdi
handi batera gonbidatu gai-
tuzte, agian Portugalera ere

“Ez ditugu 18 urte eta badakigu zer nahi dugun”

joango gara..., baina hori lo-
tu barik daukagu oraindik.

**- Serio hartu duzue
orduan?**

(S) Ez ditugu 18 urte eta ia
guztiak ibili gara beste talde
batzuetan eta badakigu zer
nahi dugun. Gure mugak di-
tugu, batzuk seme-alabak,
gainontzekoak lana... Gure
asmoa ez da musika jotzetik
bizitzea oso zaila delako,
baina album bat edo bi kale-
ratzea gustatuko litzaiguke.
**- Zer behar da diskoa gra-
batzeko?**

(S) Dirua, besterik ez.
Orain Danbaka lehiaketan
parte hartuko dugu eta sa-
ria, diskoa grabatzea da. Ea
zortea dugun!

**- Urriaren 16an Londonen
joko duzue. Txiki geratuko
zaizue, agian?**

(S) Izan daiteke, baina le-
hen kontzertua bertan eman
genuen eta laguntzen zaituen
jendea ezin duzu ahaztu.

Seafóiden abestiak entzu-
teko www.myspace.com/seafoid
helbidera jo daiteke.
Maketak, berriz, London ta-
bernan daude salgai.

Dorleta Vidal



ILEAPAINDEGIA
Izaskun
Goienkale, 9 (Plaza San Martín)
48260 Ermua Bizkaia
Tel. 943.17.66.90
ILEAPAINDEGIA

PUB YOMY

**Zubiaurre
kalearen
bihotzean**

komunitateak
asegurua
San Pelayo
aholkularitza
fiskal eta juridikoa
Tel. /Fax. 943 17 15 65 / 943 17 25 04
San Pelayo 6-A (Eroski gainean) 46 P.K. - Ermua

**solozabal
tabakoak**
torrekua 1
tel./fax: 943 17 07 33


Pub SCORPIO

Zubiaurre, 21
ERMUA